



Inatsisartunut ilaasortaq
Aaja Chemnitz Larsen
Maani

**Pineqartoq: Inatsisartut suleriaasianni § 37 naapertorlugu
Peqqinnissaqarfimmi meerartaarsinnaangitsut pillugit suliniutit pillugit
apeqqutit nr. 139/2015**

03. juni 2015
Sagsnr. 2015-115666
Dok. Nr. 1983134

Postboks 1160
Tlf: 34 50 00
Fax: 32 55 05
3900 Nuuk

Email: pn@nanog.gl
www.nanog.gl

Meerartaarsinnaangitsut pillugit apeqqutit ilaasortamut qujassutigivakka, ataasiakkaarlugillu ataani akissavakka

Aallaqqaasiutigalugu naqissuserniarpara nakorsiat tamarmik suliarineqartarmata taamaallaat pisariaqartitaat naapertorlugit, imaanngitsoq suna peqqutaanersoq apeqqutaalluni. Piumassuserinngisaminnik aappariit meerartaarsinnaangitsut ukiorlu ataaseq sinnerlugu aappariittut najugaqatigiillutik nalunaarsorneqarsimasut innersuunneqarsinnaapput Dronning Ingridip Napparsimmaviani immikkoortumut arnat nappaataannut misissorneqarnissamut arnaq 36-it inorlugit ukioqarpat. Aappariit ukioq ataaseq ataatsimoorlutik najugaqarsimasutut inuit allattorsimaffianni nalunaarsorsimassapput angerlarsimaffimmilu meeraqassanngilaq.

Suliaritinnissamut neqeroorut meerartaarsinnaannginnermut peqqutaasut assigiinngitsut apeqqutaasarput. Aappariit anisuumik sakkut atorlugit inissiilluni naartulersitsinnermut periarfissinneqartut napparsimasunut IVF-miittunut naligiissumik pineqartarput, tamatuma kingunerisarpaa aappariit namminneq angalaneq najugaqarnerlu Danmarkimi akiligassarissarmassuk peqqinnissaqarfiulli naartulersitsineq akilertarmagu.

Apeqqutitit aalajangersimasut pillugit:

1) Siusinnerusukkut naappaateqarsimasut, soorlu ilumikkut (akussakkut) kræfteqarsimasut, naartulersinneqarnissaminnut qanoq periarfissaqarpat?

Naartulersinneqassagaanni illiaqartariaqarnissaq piumasagaataavoq . Arnat ilumikkut siusinnerusukkut kræfteqarsimasut tamangajammik kræfteqarnermut suliaritinnerminni illiaartitarput. Taamaattoqarsimanngippat qulaanitut allaqqasoq malillugu allatulli neqeroorfigineqartarput.

2) Suliassaqarfiup ineriartortinneqarnissaa pillugu Naalakkersuisut sunik takorluugaqarpat?

Naalakkersuisut meerartaarsinnaangitsunut neqeroorummik allanngortitsinissamik pilersaaruteqanngillat.

- 3) Maannakkut periarfissarititaasut pitsanngorsarneqarnissaat siunertaralugu qanoq pilersaaruteqartoqarpa? Assersuutigalugu siornatigut kræftimik nappaateqarsimasut namminneq angalanermut, nerisaqarnermut najugaqarnermullu akiliisussaataapput – taanna Naalakkersuisunit pissusissamisoorutut isigineqarpa?**

Apeqqutinut 1 aamma 2-mut akissutit innersuutigissavakka.

- 4) Siunissami naartulersinneqartarnerup nunatsinni pisinnaalernissaa suliniutigineqarniarpa? Taamaappat taava qanoq iliortoqarniarpa aamma suliniutit suut aallartinneqareerpat?**

Naartulersitsisarneq pillugu neqeroorut Danmarkimut nuunneqaqqammerpoq kalaallit nunaanni suliarinninnerit naammaginangimmata. Naalakkersuisut suliasaqqarfiup iluani aalajangiisimaneq allanngortinniarlugu pilersaaruteqarfiginngilaat.

Inussiarnersumik inuulluaqqusillunga

Med venlig hilsen



Martha Lund Olsen